



**Vestnes — eit lokalsamfunn for  
framtida**

**2019**

**2023**

---

Kommuneprogram for

**Vestnes Arbeiderparti**



## Vestnes - eit lokalsamfunn for framtida

Arbeiderpartiet veit at sterke fellesskapsløysingar gir større tryggleik og plass for alle. Gjennom kunnskapsrike og engasjerte folkevalde vil vi utvikle eit godt lokalsamfunn for framtida. Der alle skal trivast og kunne realisere sine idear og draumar, anten det gjeld familieliv, fritidsaktivitetar, ein god skule eller trygge arbeidsplassar.

### Vestnes Arbeiderparti vil

- Vidareutvikle levande lokalsamfunn i samarbeid med frivillige lag og organisasjonar.
- Legge til rette for arenaer for medverknad, deltaking og inkludering i politisk og frivillig arbeid.
- Fortsatt sikre openheit og innsyn i demokratiske prosessar i kommunen.
- Jobbe for auka tilflytting til kommunen.
- Sørge for god balanse mellom levekår, klima- og miljøløysingar og næringsutvikling.
- Fremje ein betre sameksistens mellom bustad og næringsområde.
- Sikre at oppvekstmiljøet blir tillagt stor vekt ved planlegging og utbygging.
- Unngå privatisering av offentlege tilbod og tenester.
- Sikre nær og effektiv beredskap.





### **Gode og tilpassa helse- og omsorgstenester**

Arbeiderpartiet meiner at Vestnes skal vere ein kommune der alle kan bu og leve heile livet. Nøkkelen til god helse er førebygging og tidleg innsats. Innbyggjarane sine behov skal stå i sentrum for all planlegging og oppbygging av helse- og omsorgstenestene.

#### **Vestnes Arbeiderparti vil:**

- Sørge for at kvar helsekrone vert nytta til betre helsetenester - ikkje til profit.
- Vidareutvikle lågterskeltilbod som kontakttelefon og helsestasjonstilbod til barn og unge.
- Auke tilgang til varierte treffpunkt for personar og grupper med behov, også innan friluftsliv.
- Nytte velferdsteknologi for å skape betre helse- og omsorgstilbod.
- Auke høve til å påverke kor mange tenesteytarar ein må forhalde deg til i eigen heim.
- Auke andel fulltidstillingar.
- Styrke brukarmedverking og sjølvråde i eige liv.
- Styrke boligtilbodet for vanskelegstilte.
- Legge til rette for at frivillige organisasjonar kan vidareutvikle varierte frisklivsaktivitetar.
- Legge til rette for kompetanseauke hos tilsette i kommunen.
- At alle som ønskjer det får bu heime så lenge som mogleg. Difor vil vi styrke heimebasert omsorg, dagtilbod og avlastning for heimebuande.
- Jobbe for at eldre blir sett på som ein viktig ressurs for eit godt samfunn.



Foto: Roar Nerheim

## **Trygge jobbar og eit styrka næringsliv**

Vestnes er ein liten kommune med naturbruk, industri og omsorg som dei viktigaste arbeidsplassane. Vi er godt plassert nær attraktive arbeidsmarknader utanfor kommunen. For å skape eit lokalsamfunn for framtida må vi styrke og trygge dei arbeidsplassane vi har og gjere det lettare å pendle. Vi må også legge til rette for nye arbeidsplassar.

### **Vestnes Arbeiderparti vil:**

- Utarbeide ein strategi for å tiltrekke nye verksemder, til dømes gjennom å
  - Etablere eit meir systematisk og langsiktig samarbeid for utvikling av kommunen.
  - Samarbeide med private og frivillige for å skape ei sterk og berekraftig reiselivsnæring.
  - Bidra til å realisere eit grønt kompetansesenter ved Gjermundnes vidaregåande skule.
  - Jobbe for å etablere eit senter for menneskerettar med utgangspunkt i historia om Hel-landheimen og menneskerettane til folk med psykisk utviklingshemming.
- Vere restriktiv med nedbygging av dyrka mark.
- Styrke Tremek og jobbe for at fleire får høve til å delta i samfunnet gjennom å jobbe.
- Arbeide for at dei som ynskjer det skal få fulle stillingar og løner til å leve av.
- Legge til rette for bærekraftig og landbasert oppdrett av fisk.
- Jobbe for at oppdrettsnæringa, som nyttar ein allmenning, skal gje tilbake til kommunen.
- At kommunen skal gå i front for å tilby fleire praksis- og lærlingplassar innanfor relevante område.

## Satsing på samferdsel og transport

Vestnes Arbeiderparti vil jobbe for samferdselsløysingar som gjer kvardagen din enklare. Vår kommune er nær store arbeidsmarknadar og kultur- og fritidstilbod i nabokommunar. God kommunikasjon er avgjerande både for den langsiktige utviklinga av lokalsamfunna og for at folk skal få kvardagen til å gå i hop med jobb, fritid og familie.

### Vestnes Arbeiderparti vil:

- Jobbe for utgreiing av ulike alternativ for kryssing av Romsdalsfjorden, som styrker Vestnes sin plassering Midt i fylket.
- Jobbe for utbetring av Eksportvegen.
- Gå i dialog med fylket om å etablere ei teststrekning for sjølvkøyrande kollektiv transport.
- Jobbe for bompengesatsar som tek omsyn til Vestnes-innbyggjarar som må passere ofte.
- Vidareutvikle kollektivtilbodet gjennom å få fleire bussavgangar, særleg til store arbeidsplassar i Vestnes og nabokommunane samt til flyplassar og jernbanen.
- Vere ein god samarbeidspart for Lyntogforum Møre og Romsdal.
- Jobbe for redusert reisetid mellom Vestnes og andre viktige bu- og arbeidsmarknadar, til dømes ved utbygging av krabbefelt over Ørskogfjellet.
- Jobbe for fortsatt hurtigbåtrute til Molde.





### **Ein god skule og trygge oppvekstvilkår**

Vestnes Arbeiderparti vil gjere Vestnes til ein særst attraktiv bukommune for barnefamiliar. Vi vil ha ein sterk offentleg fellesskule der alle elevar opplever læring, trivsel og meistring. Fellesskulen er ein nøkkel til å motverke auka ulikskap og sosiale forskjellar. Vi vil ha ein skule der alle barn kan lukkast uavhengig av familien sin økonomi og bakgrunn. Derfor prioriterer vi fleire lærarar, kvalitet og tidleg innsats i skulen, barnehageplass til alle og eit grønt og trygt nærmiljø. Vi veit at trygge barn lærer best. Vi vil skape gode læringsmiljø der alle elevar blir sett.

### **Vestnes Arbeiderparti vil:**

- Hindre mobbing og sørge for at skulane er gode sosiale og faglege arenaer for utvikling og læring.
- Innføre ein lese-, skrive- og reknegaranti som gjer at barn som heng etter skal få rask hjelp.
- Sikre ein tidleg innsats i barnehage og skule,
- Gjennomføre eit krafttak for meir praktisk læring på ungdomstrinnet.
- Sikre tilsette i skulen god etter- og vidareutdanning og jobbe for høgare andel pedagogar i barnehagane.
- I samarbeid med elevråda utvikle ei skulehelseteneste som er tilgjengeleg når dei treng den, og prøve ut e-helsesøster for ungdomsskulane.
- Utvikle Vestnes nye folkebibliotek til ein arena for kultur- og læring.
- Saman med politi og frivillige styrke forebyggjande arbeid for å hindre utvikling av rusmiljø.
- Jobbe for å utvide fagtilbodet på Gjermundnes, til dømes etablere ei linje innan akvakultur.
- Arrangere ein årleg konferanse i Vestnes for å vise ungdommane dei vala dei har for utdanning i Møre og Romsdal.

## Mykje å leve for i Vestnes - kultur, fritid og frivilligheit

For Arbeiderpartiet er det viktig at vi både har noko å leve av og leve for. Vi meiner at aktive innbyggjarar er grunnlaget for eit levende lokaldemokrati. Gjennom frivillig arbeid og eit mangfaldig kulturliv skapar vi møteplassar for alle innbyggjarane.

### Vestnes Arbeiderparti vil:

- Legge til rette for eit rikt idretts- og kulturliv i samarbeid med frivillige lag og organisasjonar.
- Arbeide for eit rikt kulturskuletilbod for alle barn og unge som ønskjer det.
- Ha rimeleg leigeprisar på kommunale lokale for aktivitetar retta mot barn og unge.
- Bidra til at alle som ønskjer det, uavhengig av funksjon, kan nytte kulturtilboda i kommunen.
- Støtte opp om grendahus, forsamlingshus, kulturhus og frivillig arbeid.
- Støtte arrangering av ein heimkomarfestival ein gong i året for folk som har flytta ut.
- Støtte planlegging av ein større idrettshall i Vestnes i samarbeid med frivillige lag og næringsliv.
- Jobbe for statleg sikring av friluftsområde.



## **Offensiv satsing på klima og miljø**

Ein attraktiv kommune må ha fokus på klima og miljø for å tiltrekke seg og halde på framtidsetta verksemder, nye innbyggjarar og turistar. Kommuneutviklinga må være heilskapleg og langsiktig for at Vestnes Kommune skal vekse og bli ein enda betre plass å bu. Vidareutvikling av kollektivtransport og tilrettelegging for el-bilar er viktig. Nærleiken til naturen er noko av det beste med å bu i Vestnes. Vestnes Arbeiderparti vil jobbe for å halde naturen rein og leggje til rette med fleire tilpassa turstiar.

### **Vestnes Arbeiderparti vil:**

- Lage eit klimabudsjett for kommunen som er i tråd med 1,5-gradersmålet og gjere klimaomstilling til ein integrert del av kommunen sitt arbeid.
- Jobbe for nullutslippsløysingar på ferjer og hurtigbåt.
- Ha lågare bompengesatsar for el-bilar enn fossilbilar.
- Sikre grøntareal og strandsona til nytte og glede for felleskapet, og sørge for reguleringsplanar som tek vare på grønne område.
- Jobbe aktivt for å få betre rabattordningar for ungdom i kollektivtrafikken.
- Vere ein pådrivar for at fleire bedrifter i kommunen skal sertifiserast som miljøfyrtårn.
- Jobbe for at oppdrettsnæringa ikkje får negativ innverknad på lokalmiljøet i fjordane våre
- Ha som mål at kommunen sine barnehagar og skular skal ha Grønt flagg-sertifisering.
- Vidareutvikle turstiane i Vestnes.
- Auke fokus på estetikk i sentrumsplanlegging og byggesaksbehandling, og sørge for betre estetisk vedlikehald av Rådhuset og anna kommunal eigedom.
- At etablert busetting og verksemd i kommunen kan ha sameksistens gjennom respekt for miljø-bevarende regler mot forureining, som støy og utslepp i luft og vatn.
- Jobbe for landstraum til skip ved kai for å redusere lokal forureining og støy.

## Innvandring og integrering

Over 70 nasjonalitetar er representerte i kommunen vår og det er innvandring som opprettheld folketallet. Innvandrarakraft er heilt uvurderleg arbeidskraft i mange sektorar, ikkje minst innan omsorg og skipsbygging. Vi må legge til rette for trivsel og inkludering slik at dei som kjem flyttande hit blir verande her.

## Vestnes Arbeiderparti vil

- Samarbeide med arbeidsgjevarar og frivillige om å utarbeide ein heilskapleg plan for integrering og inkludering.
- At alle innvandrarakraft, inkludert flyktningar, arbeids- og familieinnvandrarakraft, skal få god og tidleg norskopplæring.
- Jobbe for fleire timar språkopplæring for minoritetsspråklege barn.

## Her er dei som stiller til val for Vestnes Arbeiderparti i 2019

### 1. Aud Sissel Suoranta

Eg er fødd og busett i Tomrefjord. Arbeider som reisende spesialpedagog for Helse Nordmøre og Romsdal. Glad for at eit samfunn med Ap-verdiar har behov for alle, og stiller opp for kvarandre. Vestnes er eit naturleg knutepunkt midt i fylket.



### 2. Kristian Blindheim

Eg vil at alle skal ha like moglegheiter, om dei har mykje eller lite, bur i bygd eller by. Vi kan ikkje løyse alt her heime, men vi må gjere det vi kan. F.eks. jobbe for fleire faste stillingar og styrke fagmiljø i skule, barnehage og helse. Då blir det betre både for tilsette og innbyggjarar.



### 3. Aud Marie Bergdal

Eg har bakgrunn frå fagbevegelsen og brenn for psykisk helsevern for barn og unge og for skule og oppvekst.



### 4. Harald Johnny Tomren

Å oppretthalde aktivitet i både bygdene og sentrum er viktig. Difor er både skule, samferdsel, helse, miljø og klima viktige saker for meg. Eg ønskjer å legge til rette for næringsliv slik at kommunen blir ein god stad å etablere seg for folk og bedrifter.



### 5. Nina Kvernmo

Eg er utdanna lærar og difor opp-  
teken av ein god skule for alle. Eg  
lever med kronisk sjukdom og ser  
kor viktig eit godt helsevesen er.  
Eg har sterk tru på fellesskapets  
verdiar og at vi alle er likeverdige.



### 6. Vidar Venås

Eg vil sjå til at faglege rettigheter  
blir følgde og stoppe privatisering  
kommunale tjenester.



av

### 7. Mari Karadash

Eg er adjunkt med tilleggsutdan-  
ning ved Helland skule. Eg er opp-  
teken av Romsdalsaksen/  
ferjedrift, frivillighet, kultur, opp-  
vekstvilkår og busetting.



### 8. Inge Bergum

Eg er pensjonist og driv mest med  
politikk og frivillig arbeid. Politiske  
saker eg brenn for er samferdsel og  
skule. Mitt viktigste politiske uttrykk  
er "La bygdene leve!.



### 7. Sara Ali

Eg er apotekteknikar og har budd  
på Vestnes sidan 2013. Eg er opp-  
teken av at vi skal ha gode helse-  
og velferdstjenester og trur at god  
helse fører til eit godt liv.



### 10. Øyvind Granberg

Eg vil jobbe for å redusere sentrali-  
seringstrenden og for å behalde  
dagens skulestruktur så langt det er  
faglig mogleg. Eg vil også at offent-  
lege pengar skal komme alle bygde-  
ne til gode.



### 11. Anne Kvamsøe

Er kvinnekontakt i styret i vestnes  
ap og oppteken av at det skal ver-  
ta fleire heile stillingar i omsorgs-  
yrke og at foreldrepermisjonen  
skal teljast frå den dagen kvinna  
føder barnet og ikkje frå termin-  
dato. Dette for at kvinna ikkje skal  
miste dyrebar tid saman med bar-  
net sitt.



### 12. Jørn Inge Hestenes

Eg er gift og har to vaksne born. Bur  
på Nerås. Eg er tillitsvald for Felles-  
forbundet på Vard Langsten og er  
også opplæringsansvarleg for lær-  
lingane på samme stad.



### 13. Birgit Torkildson Grotle

Eg er pensjonist og har hovedfag i spesialpedagogikk. Tidlegare har jeg jobba med born, unge og familiar. Eg er oppteken av et samfunn basert på trygghet, likeverdighet, tillit, like moglegheiter og utvikling.



### 14. Sigbjørn Solholm

Ap har alltid vore partiet som står opp for vanlege folk og partiet som har gitt oss brorparten av velferdsgodene vi har i dag. Difor er eg Ap-mann. Eg er oppteken av å vidareutvikle velferdstjenester og motarbeide privatisering og sentralisering.



### 15. Kai Magne Stokkeland

Som offshorearbeidar og klubbstyremedlem i Aker Solutions er eg oppteken av å fremje industrien. Samferdsel er og viktig, bl.a. utviklinga av E39 og E136. Eg ønsker utgreiing av Romsdalsaksen.



### 16. Richard Fagerstad



### 17. Olav Venås



### 18. Terje Holseter



### 19. Roger Karlsnes

Eg er lærar på Gjermundnes vgs. og ønsker rask oppstart av Møreaksen. Dette vil skape arbeidsplassar og tilflytting til kommunen vår.



